


## Mary Wynne Jones (1925 – 2022)

Ganwyd Mary Wynne ar 6 Hydref 1925 yn ferch i ferch i feryllydd yn Nolgellau. Wedi cyfnod yn Ysgol Dr Williams, Dolgellau, ymrestrodd ar gyfer cwrs newydd ym Mhrifysgol Abertawe, sef Diploma mewn Arweinyddiaeth Ieuentid. Yn dilyn cyfnod yn gweithio gydag Urdd Gobaith Cymru yn Sir Drefaldwyn, fe'i phenodwyd yn Drefnydd yr Urdd yng Ngheredigion, y gyntaf i wneud y gwaith hwnnw. Daeth i fyw i Lanbedr Pont Steffan ac yno, mewn cwrdd gweddi, y cyfarfu â gweinidog ifanc, cyn-löwr o Fanceffosfelen, Tom Ellis Jones, oedd yn gofalu am Noddfa, Llambed; Bethel, Silian a Chaersalem, Parc-y-rhos. Yn 1951, priodwyd Mary a Tom a daeth y ddau â doniau gwahanol i bartneriaeth effeithiol a barodd drwy eu bywyd priodasol. Flynyddoedd wedyn nododd Tom, 'ers i ni briodi yn 1951, rydw i wedi ystyried y weinidogaeth fel gweinidogaeth ar y cyd ... ac felly y bu'. Yn 1955, derbyniwyd galwad i Fethesda, Glanaman, ac yno y ganwyd y meibion, Em-yr ac Arwel. Yn 1969, symudodd y teulu i Landudno lle buont yn gweinidogaethu yn y Tabernacl a Horeb, Cyffordd Llandudno, nes i Tom ymddeol yn 1979. Dychwelodd y ddau i Ddolgellau, cartref Mary Wynne, ac yno y buont hyd farwolaeth sydyn Tom yn 1999. Bu Mary yn byw'n hapus a bodlon yn ei chynefin hyd at ei marwolaeth.

Rhai o nodweddion amlycaf Mary Wynne oedd ei bywiogrwydd a'i hawydd i weithio dros yr eglwys ac mewn meysydd ehangach dros y Gymraeg. Yn 2002 cafodd ei hanrhydeddu fel Llywydd Undeb Bedyddwyr Cymru a bu'n Llywydd Mudiad y Chwiorydd. Roedd yn un o'r cwmni bychan a oedd ynghlwm â sefydlu Cartref Glyn Nest. Yn ogystal â'r ffaith ei bod mor fywiog, roedd yn gwybod pob dim ac yn nabod pawb! A hithau'n ymhell yn ei nawdegau, byddai'n derbyn ceisiadau am wybodaeth am gysylltiadau teuluol, enwadol a lleol ac yn ymateb iddynt yn brydlon. Gyda throad y flwyddyn eleni, ac ar ôl blynyddoedd lawer o weddwod, gyda'i ffrindiau a'i theulu yn gefn iddi, fe'i trawyd gan salwch. Ar ôl cwta fis, gartref yn ei gwely, daeth ei bywyd i ben

Fel Cristnogion, rydym yn diolch am gyfraniad Mary, y diweddar Tom ac am y bartneriaeth a fu. Y cysur yw gwybod bod Mary bellach yn nwylo diogel ei Gwardwr. Roedd y cyfnod olaf yn anodd ond, yng nghanol hwnnw, cafodd nerth yn ei gwendid. Does dim diweddglo gwell i'r cofnod hwn amdani na dyfynnu'r emyn y bu hithau'n ei adrodd y diwrnod cyn iddi farw: 'Cymer, Arglwydd, f'einioes i i'w chysegro oll i ti; cymer fy munudau i fod fyth yn llifo er dy glod'. Amen

Rhan o deyrnged a baratowyd gan y Parchg Rhys Llwyd gyda chymorth y teulu, ac a draddodwyd gan y Parch Iwan Llewelyn Jones yn yr oedfa i ddiolch am fywyd a gwasanaeth y ddiweddar Mary Wynne Jones ar 12 Chwefror 2022.



# Deufis

Eglwys Bedyddwyr Gogledd Teifi

Mawrth-Ebrill 2022

## Trefn Oedfaon y Sul

### Sul 6 Mawrth

Aberduar	10.00 y bore	Gweinidog—Cymun
Brynhafod	9.30 y bore	Oedfa Gŵyl Ddewi'r Ysgol Sul
Caersalem	2.00 y prynhawn	Gweinidog – Cymun
Noddfa	3.30 y prynhawn	Gweinidog—Cymun

### Sul 13 Mawrth

Aberduar	10.00 y bore	Coda Ni
Bethel	10.15 y bore	Gweinidog—Cymun
Seion	2.00 y prynhawn	Gweinidog—Cymun

### Sul 20 Mawrth

Oedfa Zoom i'r Cylch, 10 y bore  
dan ofal Delyth Morgans Phillips  
Pregethir gan Einir Jones, Rhydaman

### Sul 27 Mawrth

Aberduar	10.00 y bore	Lyndon Lloyd
Bethel	10.15 y bore	Gweinidog
Seion a Brynhafod (ym Mrynhafod)	2.00 y prynhawn	Gweinidog
Noddfa	5.00 yr hwyr	Oedfa Sul y Mamau

### Sul 3 Ebrill

Aberduar	10.00 y bore	Gweinidog—Cymun
Brynhafod	10.30 y bore	Ysgol Sul
Caersalem	2.00 y prynhawn	Gweinidog – Cymun
Noddfa	3.30 y p'nhawn	Gweinidog—Cymun

### Sul 10 Ebrill

Aberduar	10.00 y bore	Ffred Ffransis
Bethel	10.15 y bore	Oedfa Fedydd
Seion	2.00 y prynhawn	Gweinidog—Cymun

### Sul 17 Ebril—Sul y Pasg

Aberduar	9.30 y bore	Gweinidog—Cymun
Noddfa	11.00 y bore	Gweinidog—Cymun
Brynhafod	2.00 y prynhawn	Oedfa'r Pasg

### Sul 24 Ebrill

Aberduar	10.00 y bore	Parchg Wynn Vittle
Bethel	10.15 y bore	Gweinidog—Cymun
Seion a Brynhafod (yn Seion)	2.00 y p'nhawn	Parchg Wynn Vittle

**COFIWCH DROI AT WEFAN Y CYLCH**  
[www.bedyddwyrogleddteifi.org](http://www.bedyddwyrogleddteifi.org)



Ewch hefyd i'n cyfrif Twitter  
**@BedyddGogTeifi**

ac i'n tudalen Facebook

[https://www.facebook.com/  
BedyddwyrGogleddTeifi](https://www.facebook.com/BedyddwyrGogleddTeifi)



## BEDYDD

**Cynhelir bedydd yng nghapel Bethel ar fore Sul 10 Ebrill.  
Os teimla rywun arall ar ei galon yr hoffai ymrestru ar  
gyfer bedydd, a wnewch chi gysylltu â'r gweinidog mewn  
da bryd os gweilwch yn dda**



## RHAGHYSBYSIAD

**CYMANFA BEDYDDWYR CAERFYRDDIN  
A CHEREDIGION**

**ABERDUAR 18 MAI 2022**

**10.30—Y GYNHADLEDD**

**12.30—PREGETH: Y PARCHG D. DENSIL MORGAN**

**2.30—OEDFA GENHADOL**

**6.00—OEDFA'R LLYWYDD:  
MRS ANN BOWEN MORGAN**

**CYNHOEDDIR MANYLION PELLACH YN  
RHIFYN NESAF Y DEUFIS**